



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. V. Prædeterminationem physicam esse de mente D. Thomæ, plures ex Patribus Societatis fatentur

[urn:nbn:de:hbz:466:1-77355](#)

DE MODO QVO VOLVNTAS MOVETVR.

155

Voluntatem ut non ad unum fixe, non cum necessitate, non immutabiliter, sed secundum conditionem voluntatis determinatur, posse que illi nibilominus determinanti resistere, posse determinationem illius abdicere, &c.

51. Deinde idem S. Doctor quodl. 12. art. 4. subscribit sententia illorum qui dicunt, à providentia Dei omnia esse PRÄDETERMINATA. Et addit posse concedi, quod omnia subjiciuntur fato, si nomine fati intelligamus divinam providentiam, omnia quae sunt in mundo prædeterminantem & præordinantem, quamvis hoc nomine fati non debeamus uti, quia nec nomina cum Gentibus convenit habere communia. Et tandem cum Augustino concludit: *Si quis hoc modo intelligat fatum, sententiam tenet, lingua corrigit, ut non dicat fatum, sed providentiam Dei.*

52. Confirmatur: Immobilis Dei dispositio, voluntari inhærens, est vera prædeterminationis. Sed eam negare, est (juxta D. Thomam 3. contra gent. cap. 93.) negare providentiam; dicit enim ibidem, quod qui fatum negat, secundum illam acceptiōnē, secundūm quam sumitur pro impressione immobili ex parte Dei in rebus mobilibus, negat divinam providentiam: Ergo ex D. Thoma, qui negat prædeterminationem voluntati inhærentem, negat divinam providentiam.

53. Denique idem S. Doctor eodem libro cap. 2. ratione 7. & aliis locis infra referendis, expresse docet à causa contingenti & indifferenti ad utrumlibet, non posse exire actum vel effectum determinatum, nisi prius ab alio determinetur: unde cùm voluntas sit causa contingens, & indifferenter se habeat ad multa, juxta D. Thomę principia, manifestum est, ipsam debere à Deo prædeterminari, ut in actum determinatum exeat. De quo fusè paragr. 8.

54. Ex his pater, nomen hoc prædeterminationis non esse novum, nec à Thomis excogitatum (ut passim eis objiciunt Adversarij) sed à D. Thoma frequenter usurpatum, saltem ad significandam aternam divinę voluntatis prædefinitionem: unde cùm præmotio physica, juxta Thomistis, sit illius executio & instrumentum, ac veluti rivulus ab illo fonte promanans, non immeritò eodem quo illa nomine insigniri potest. Præsertim verò cùm nomen applicationis, quo D. Thomas frequenter utitur, aequivaleat nomini prædeterminationis: quid enim est voluntatem prædeterminari, nisi ad actum determinatum applicari?

55. Addo quod Scriptura, Ecclesia, & SS. Patres, interdum utuntur nominibus, quæ plusquam præmotionem ac prædeterminationem significare videntur: ut patet cùm dicitur Luke 14. *Com-pelle eos intrare: & cùm Ecclesia in collecta secreta dominicæ 4. post Trinit. Deum orat, ut nostraras etiam rebellēs compellat propriis volun-tates.* Item ad Rom. 2. dicitur: *Qui spiritu Dei aguntur, hi filii Dei sunt.* Et Augustinus sèpè asserit voluntatem humanam divinā gratiā insuperabiliter, & indeclinabiliter agi: Deum corda hominum omnipotissimā potestate inclinare quō vult, quando vult, ubi vult: & humanas voluntates non posse ei resistere. Sanè, si vim non minimum attendamus, aliquid maius videtur, voluntatem à Deo compelli, agi hominem insuperabiliter & indeclinabiliter, ac inclinari omnipotentissima potestate, quām physicè præterminari.

Tom. III.

A Denum ostendant quo Adversarij apud D. Thomam, vel apud aliquem ex Theologis & Doctribus, qui ante Molinam scripserunt, nomina scientie mediae, decreti indifferentis, gracie congrue, & alia similia, que passim usurpan; & ipsis pariter nomen physicè prædeterminationis apud eosdem Authores ostendemus. Certe si ipsis licuit, ad rem novam declarandam, nova excogitare nomina, cur etiam nobis non licebit, ad iuendam antiquam doctrinam, uti antiquo prædeterminationis nomine, quod non solum à S. Thoma, sed etiam à D. Dionysio cap. 5. de divin. nomin. imo & ab ipso Apostolo usurpat, ad declarandam divinorum decretorum causalitatem & efficaciam: nam ubique in Epistolis D. Pauli habemus nomen prædestinationis, in Greco habetur πρόστιμος, quod vocabulum idem sonat ac prædefinitio & prædeterminationis?

§. V.

Prædeterminationem physicam esse de mente D. Thome, plures ex Patribus Societatis fateantur.

C Um Novatianus cap. 18. de Trinit. recte dixerit, Firmum est genus probationis, quod ab Adversarij sumitur, ut veritas etiam ab ipsis inimici: veritatis probetur: non possum efficacius demonstrare, physicam prædeterminationem esse de mente D. Thome, quām ostendendo Adversarios idipsum non diffiteri, & plura ipsorum proferendo testimonia. Variis enim (inquit Eucherius) abque dubio nititur privilegii, quae causam de Adversarij afferit instrumentis. Speciosa Victoria est, contrarium partem chartulam suis velut propriis laqueis irretire.

D Physicam ergo prædeterminationem variis in locis docuisse S. Thomam, fateut in primis Collégium Conimbricense, quod instar multorum reputari debet: nam 2. Physic. cap. 7. quæst. 14. art. 1. hac scribit: *Circa modum quo Deus cum causis secundis ad earum operationes, & effecta concurrit, se offert celebris opinio D. Thome 1. p. quæst. 105. & 1. 2. qu. 109. art. 1. & quæst. 7. de potentia art. 7. ejusque sc̄tatorum, Capreoli in 2. dis. 1. quæst. 2. Ferrariensis 3. contra gentes. cap. 70. & aliorum, existimantium omnes causas secundas antequam operentur, accipere à Deo insixum quandam & motum, qui sit quasi esse intentionale virtutis divina, quo ad promendas actiones excitentur, eo modo quo artium instrumenta, ut dolabra & securis, præviā motionem à fabro accipiunt, cū ad opa. confidendum applicantur.*

E Bellarmine etiam lib. 4. de libero arbitrio, hanc esse Doctoris Angelici sententiam aperte profiterut. Nam cap. 14. proposita sibi Calvini objectione, quæ ducitur à repugnante cooperacionis divina voluntatis cum libertate humana, & rejectis tribus responsionibus; Caeretani scilicet, Durandi, & Almaini, duas eligit ut probabiliores, & ad explicandam concordiam divinae cooperationis cum libero arbitrio magis accommodatas. In primis enim cap. 15. explicit concordiam divinae cooperationis cum libero arbitrio, per concūsum purè simultaneū, & indifferentem, ac determinabilem à voluntate creata ad speciem actus. Unde ibidem negat;

V ij

Deum voluntatem movere & applicare ad opus, ut constat ex primo argumento quod sibi objicit in hunc modum. *Inter primam causam & secundam est ordo quidam essentialis, ut prima secundam moveat, & secunda non agat, nisi mota à prima: est autem Deus prima causa; voluntas autem autem nostra, secunda: igitur Deus voluntatem movere & applicat ad opus.* Cui argumento sic respondet: *Respondeo inter causam principalem, & instrumentalem est illa ordo, ut una alteram moveat: inter primam autem causam & secundam, cum secunda non sit proprie instrumentum, non est ordo ut una alteram moveat, sed ut una sit prior altera perfectione, limitatione, & necessitate, &c.* Quibus verbis aperitè docet, Deum per concursum simultaneum non movere nec applicare voluntatem ad opus. Deinde alia argumenta quæ militant pro physica prædeterminatione solvere conatur, ut legentè patebit. Demum cap. 16. sequenti explicat aliam rationem concordie libertatis cum cooperatione Dei, per concursum prævium moventem & applicantem causas secundas etiam liberas ad operandum: *Altera, inquit, ratio conciliandi libertatem humanam cum cooperatione divina, ET FORTASSE ETIAM PROBABILOR, est IUSTA SENTENTIA S. THOMÆ, qui docet cooperationem divinam ita concurrere cum causis secundis, etiam liberis, ut non solum eis dederit & conservet virtutes operatrices, sed etiam eas moveat & applicet ad opus, ut cognosci posse ex 1. parte qu. 105. art. 5. & lib. 3. contra Gent. cap. 70. & quest. 3. de potentia art. 7. Quia sententia videtur valde consentanea ut Scriptura, que dicit nos in Deo esse, vivere, & moveri; tum etiam ratione ordinis quem habet causa prima cum secundis. Quibus verbis doctissimus ille Cardinalis, non tantum sententiam nostram probabiliorum, & Scripturæ faciat valde consentaneam esse afferit, sed etiam D. Thoma tribuit, probans ejus mentem ex locis quæ supra adduximus, præsertim verò ex qu. 7. de potentia art. 7. quo loco Divum Thomam, admisisse præmotionem physicam, fatetur Suárez, ut infra patebit. Nihil ergo verius, Bellarminus admisisse concursum prævium determinantem & applicantem voluntatem ad opus. Neque enim dici potest, ut quidam Recentior inconsideratè ait, Bellarminus per illam motionem & applicationem intellexisset concursum simultaneum. Tum quia capite precedenti exprestè negat, ut supra vobis est, Deum per concursum simultaneum movere & applicare voluntatem ad opus. Tum etiam, quia si per talem motionem & applicationem intellectuisset concursum simultaneum, hæc secunda ratio conciliandi libertatem humanam cum cooperatione divina, quam dicit esse probabilem, & ex D. Thoma desumptam, non differret à præcedenti, quæ docuerat cum Ariminensi, Scoto, & Gabriele, concursum Dei non determinare voluntatem nostram, nec esse prævium, sed dumtaxat simultaneum, subindeque nugatur Bellarminus, & actum ageret, atque ineptam battalogiam committeret; quod sine magna tanti viri injuria dici nequit.*

Addo quod Doctores Academiz Lovaniensis, in Epistola censuræ adversus Lessium præmissa, refutant Bellarminum contrariam Molinæ & Lessio sententiam publicè Lovanij prælegisse, & physicam prædeterminationem docuisse. Unde si verum est quod Fuligatus & Syl-

A vester Petra sancta, in vita hujus Cardinalis afferunt, ipsum nempe jam morti proximum, coram publico scriba professum esse, se dedisse veritati quæ in libris Controversiarum assertuerat, neque primam sententiam vllatenus mutavisse, manifestum est; ipsum in suis Controversiis, loco nimirum supra relato, concursum prævium, voluntatem moventem & applicantem ad opus, cum D. Thoma & Discipulis eius docuisse.

Nor diffiteor tamen, in eo Bellarmino ab aliquibus Thomistis discrepare, quod isti existimant concursum prævium esse motionem vel qualitatem fluentem voluntati impreßam: ille verò censet, Deum per seipsum immediatè, sine ullius qualitatis impressione, uti voluntate creatà, eamque ad opus applicare. Quod etiam docent Nazarius, Sylvius, Azorius, & alij assertores physica prædeterminationis. Unde Bellarminus quantum ad substantiam admittit concursum prævium, seu physicam prædeterminationem, quanvis in modo illam explicandi, ab aliquibus recentioribus Thomistis differat, ideoque pro hac sententia citatur à Sylvio in opusculo de primo Motore, parte 2. art. 26.

Favent etiam Perierius & Azotius: ille enim lib. 8. de causis cap. 8. sic ait: In eo quod adjungit D. Thomas, causas secundas, & in his voluntatem nostram à Deo moveri, APPLICARI, ET DETERMINARI ad agendum, licet nonnulli dissentiant Theologi; ego tamen manibus pedibusque in eam sententiam per quamlibenter eo: Hoc enim est ingenium, hæc conditio, hic nexus atque contextus moventem & causarum per se & essentialiter subordinatarum, ut posterior non moveat, nisi mota à priori: In ordine moventium, inquit Aristoteles 8. phys. textu 41. quod prius est, magis est causa movendi, quam sequens, & moveatur magis. Et in libello de causis, proposit. 1. dicitur causa prima plus, vehementius, intemperius, & inseparabiliter concurrens ad effectus causarum secundarum, quam ipsas causas secundas, & juxta causas secundas in operationibus ipsarum, & magis est causam effectus quam causas secundas. Quemadmodum igitur in aliis causarum generibus per se subordinatis invicem, posterior causa necessariò presupponit causalitatem priorum, veluti in formis esse sensibilia presupponit vegetabilia, & hoc esse corporeum; & in materiis secundis presupponit primam, idemque in finibus per se subordinatis evenit: siceriam in moventibus per se in vicem subordinatis, posterioria necessaria presupponit prius, & cause prius causalitas prior natura est, quam causalitas causa secunda. Iste verò libro 1. institutio num moralium cap. 21. quest. 8. hæc habet: Oportet quæritur, an Deus, quando cum natura vel voluntate operatur, ipsam moveat & applicet ad agendum? Sanctus Thomas aperitè sic ait: Deus non solum dat formas rebus, sed etiam conservat eas, & applicat ad agendum &c. Ceterum mibi videtur verissima D. Thome sententia: eam enim planè videtur Augustinus tradere &c. Ideo enim dici videtur causa secunda, quia moveatur à prima: alioquin enim solum esset causa cum prima; sicut cum duo simul trahem periant, ubi quia unus ad portandum non moveatur & applicatur ab altero, dici non potest causa secunda, alteri comparata, sed est simul cum altero causa &c. Item lib. 4. cap. 22. quest. 2. P. aucti, inquit, juniores Theologi, forsitan ut voluntatem nostram liberam faciant, faciunt sacrificiæ,

DE MODO QVO VOLVNTAS MOVETVR.

157

dum negant Deum OPERA NOSTRA BONA PRAEFINIRE. Eodem ferè modo loquitur Henriquez lib. de fine hominis cap. 6. ubi inter alia ait :

Non tam difficile est intelligere, ut quidam putant, quod salvo usq[ue] nostra libera cooperationis, Deus temperans vim sui concursus, efficaci auxilio moveat, tum PHYSICE EX PARTE POTENTIAE, tum moraliter ex parte obiecti. Et cap. 14. ostendit sententiam Molinae & Lessij doctrinæ D. Augustini & S. Thomæ penitus repugnare.

60. Refert etiam Caramuel in Theologia fundamentali thes. 5. notabilis 4. quod anno Domini 1614. in Universitate Viennensi Pater Hartwart Societatis Jesu, magni ingenij Doctor, defendit iterum iterumque, *Esse possibilem qualitatem, quæ ex essentia sua physica & reali infallibilitatem illęsa libertate induceret. Fuit, inquit, disputatio celebris, & quia iussus sui argumentari primo loco, unam aut alteram consequentiam subjeciam. Sic dixi : Possibilita est qualitas, quæ ex essentia sua reali & physica infallibilitatem inducat, & humanam libertatem non tollat: Ergo possibile est non dari scientiam medium in Deo: Ergo de facto non datur scientia media: Ergo de facto dantur physica prædeterminationes, si non necessitantes in sensu composito, sicut infallibilis. Et postquam omnes illas consequentias prosecutus est, sic concludit : Quo attentiā ille ibis considero, videtur mihi clarissima subscribere sententia Thomistarum.*

61. Non est prætermittendus Cardinalis Toletus: ipse enim 2. phys. cap. 3. quæst. 8. exprefse docet Deum applicare causam secundam ad agendum, eamque mouere, sicut instrumentum movet ab artifice. Idem assertor Cosmas Alemannius in Summa Philosophiae D. Thomæ, t. 2. quæst. 11. art. 4. Molina etiam in Concordia disp. 26. non difficitur hanc sententiam esse D. Thomæ, etiam si postea videatur esse dubius, ait enim : D. Thomas 1. p. quæst. 105. art. 5. docet Deum duplice ratione operari cum causis secundis : in primis, quia virtutes illæ irribuit ad operandum, easque actu conservat, ut Durandus dicebat : deinde, quia ita eas ad agendum moveret, ut quodammodo formas & virtutes earum applicet ad operationem, non secus ac artifex securim applicat ad secundum. Suarez vero lib. 1. de concurren-
tu Dei cap. 11. num. 4. & 7. ait D. Thomam hanc sententiam tenuisse quæst. 7. de potentia art 7. sed illam postea in Summa retractasse. De quo infra §. 13.

62. Denique prædeterminationem physicam esse aut videri de mente D. Thomæ, aperte tradit bellus de ratione studiorum, compositus à sex Patribus Societatis, & impressus Romæ in Collegio Societatis, iussu Præpositi Generalis, anno 1586. In illo enim, §. de opinionum deleſtu in Theologica facultate, regulæ 5. sic dicitur : *In Theologia doctrinam S. Thomæ, ne caverit 4. parte constitutionum cap. 14. nostri sequuntur, excepta pauca, quæ licet sint aut videri possint esse S. Thomæ, quia tamen contraria, & sine periculo, & valde probabilitate defendi possunt, si qui hec docere velint, conniveant superiores ad ingeniorum exercitationem majorem. Et postea explicans quæ sint illa pauca, quæ sequi non tenentur, num. 6. inter alia istam D. Thomæ sententiam recenset : Causas secundas esse propriæ & univocæ instrumenta Dei, & cum operantur, in eas primum influere, aut eas mouere. Et mox relatis aliis D. Thomæ sententiis,*

Tom. III.

A quæ sequi non tenentur, regulæ 6. sic dicitur : *In ceteris, quæ hic excepta non sunt, à S. Thoma nostri non recedant. Libellum hunc Tolosæ in nostro conventu servamus, hujusque capitulæ vel paragaphi, & deleſtu opinionum in Theologica facultate, extractum authenticum, & Notarij Apostolici manu subſignatum, penes me habeo. Hunc vero libellum habere vim constitutionis, quamvis id negent Adversarij, constat tamen ex 5. congregatiōne generali Societatis Iesu can. 9. ubi sic dicitur : Sequuntur nostri Doctores in Scholastica Theologia doctrinam D. Thomæ, iuxta præmixtum in libro de ratione studiorum ponendam.*

B Tantam ergo habentes impositam nubem testimoniū, qui prædeterminationem physicam esse à Divo Thoma assertam, ingenuè profitentur, de mente hujus Angelici Doctoris dubitare non licet.

§. VI.

Testimonia Scripturae, & SS. Patrum.

C Onstat ex dictis paragrapo præcedenti, 63. Deum physicè prædeterminare causas secundas, si eas applicet ad agendum : proper hoc siquidem, nedum Thomiste, sed etiam plures ex Adversariis, concedunt D. Thomam docuisse prædeterminationem physicam, quia docuit Deum applicare causas secundas ad agendum, ut ibi ostendimus. Si ergo in Scriptura sacra expressæ invenero illud verbum applicare, ita ut Deus dicatur absolutè causas secundas, etiam liberas, applicare ad agendum, procul dubio ostendam prædeterminationem physicam, juxta Scripturæ, & Spiritus Sancti testimonium, esse necessario admittendam. Insignis autem locus habetur Eccl. 33. ubi sic legitur : *In multitudine discipline Dominus separavit eos, & immutavit vias eorum : ex ipsis benedixit, & exaltavit, & ex ipsis sanctificavit, & AD SE APPLICAVIT, &c. Item Jeremiæ 30. Deus loquens de duce qui præponendus erat populo suo, ait : Et erit dux eis ex eo, & Princeps de medio eius producetur, & APPLICABO EVM, & acceder ad me : quis enim iste est qui applicet cor suum ad me, vel appropinquabit mihi, ait Dominus ? Ubi manifestè promisit Dominus se applicaturum cor seu voluntatem ducis populi suiad se, sive ad amorem sui, & subdit Scriptura, quod in virtute hujus applicationis dux ille ad Deum accedit, & appropinquabit illi. Siigitur applicare causam secundam ad operandum, idem est ac eam physicè prædeterminare, ut jam notavimus, & suprà ostendum est, consequens est, ut promiserit Deus se physicè prædeterminaturum voluntatem ducis populi ad amorem sui : ita tamen quod hæc prædeterminatione non impedit cooperationem voluntatis, sed eam potius inferat & cauet : unde prius ponitur quod Deus applicabit voluntatem ejus, & postmodum subditur, quod accedit ad Deum, & applicabit cor suum ad amorem ipsius, & appropinquabit ei, non gressibus corporis, sed affectibus mentis, ut Augustinus ait.*

E Eandem mentis & voluntatis humanae applicationem per gratiam, subindeque physicam prædeterminationem, aperte docent plures ex Sanctis Patribus. Augustinus enim libro 1. ad Simplicianum quæst. 2. ait : *Quis audet dicere defuisse Deo modum vocandi, quæ etiam Esai*

64.

V iii